



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 33. Quamdiu durent hæc edicta, eorumque obligatio post
eorumdem promulgationem.

[urn:nbn:de:hbz:466:1-73982](#)

cipere, ex fine aliquo honesto præsertim continente bonum publicum, cui possunt, non videtur quis liberari ab obligatione denunciandi illa delicta.

7. Quartò. Nec tenetur le ipsum denunciare delinquens, ut Avil. l.c. du. 7. Dian. tom. 1. tr. de denunc. resol. 8. cum pluribus à se relatis; item de Lug. l.c. & consequenter nec complices denunciare tenetur, si eos manifestare nequit, quin suum delictum manifester; nisi forte delictum cederet in tam grave damnum commune, cui postponenda fore manifestatio proprii delicti. Dian. l.c. resol. 9. & de Lug. item sub dicta limitatione, Suar. de censur. tom. 5. d. 20. §. 4. n. 18. plurisque alii relati à Lug. Est tamen casus, in quo delinquens potest & tenetur manifestare proprium delictum, v.g. denunciando confessarium, à quo paenitens sollicitatus in confessione ad turpia in eo consensit, absque eo, quod hunc confessum suum manifester, quin & absque eo, quod iudex de hoc confitentis confessu confessarium illum interrogare, aut etiam de eo dicere volentem audire possit. Ut de hac obligatione manifestandi talenti confessarium in dicto casu significasse Urban. VIII. litteris datis 1624. testatur Diana apud de Lug. l.c.

8. Quarò. Denunciare nunquam tenetur, quibus de delicto constat ex confessione sacramentali, sed neque irregulariter possunt, quibus notum ex petito ab eis confilio, aut remedio, v.g. Theologi, Advocati, Medici, obstetrices; cum servare in hoc casu secretum ad commercium vita humanæ necesse sit. Nisi tamen ex illa occultatione seu non-denunciatione sequeretur damnum reip. aut tertii alicujus, quod machinatur quis contra illum vel illum, Molin. de just. tom. 6. d. 5. n. 6. de Lug. n. 37. Sanch. l. 6. c. 2. du. 21. n. 3. Fagund. in decal. præcep. 8. c. 5. n. 7. ex ea ratione, cum majus bonum si misericordia non præcludi viam confundendi viros doctos ac probos, ad remedium sua miseria corporalis, vel spiritualis, quām delicta taliter cognita denunciare punienda; contra Soto, l. 5. de just. q. 7. a. 1. adi aliósque citatos à Sanch. l.c. quatenus dictam limitationem rejicant, absoluē dicentes, tales à denunciando non excusari, etiam si delictum non vergat in damnum alicujus. Sic etiam, qui sub juramento promisit, se non denunciatum crimen, cuius notitiam sub secreto accepit, non potest, nec debet denunciare, non vijuramenti, quia sub secreto naturali ejus notitiam acceperat, limitata tamen hæc ipsa assertio denuo; nimis nisi ad vietandum damnum imminens ex culpa petentis confessum, à qua is cessare non vult. Unde cognoscens impedimentum matrimonii secreti, denunciare illud potest ad impediendum matrimonium, à quo contrahendo desistere non vult, qui impeditus est contrahere, de Lug. l.c. Quid vero sit de denunciando confessario sollicitante paenitentem ab eo, qui id secretè accepit, statu ex dictis n. preced. & desuper videri potest Dian. tom. 1. tr. de denunc. resol. 24. ad quam remittit Lug. l.c.

9. Sexto vi editorum non tenentur denunciare certas personas, qui contra eas in jure prohibentur, testificare, uti nec ii, qui quidem prohibentur, eogi tamen non possunt ad testificandum contra illas personas, propter conjunctionem cum eis, vel contra honorem, vel statum, ut Episcopi, sacerdotes, de quo v. de Lug. l.c. n. 35. qui tamen ait, eam deobligationem denunciandi admitti communiter ab aliis, quando sunt alii, qui denunciare possunt & denunciabunt, & ita tenet Sanch. l.c. du. 18. n. 9. Atque ita à denunciando delicta manifestati

præcepta etiam sub excommunicatione, deglari conjunctos intra quartum gradum, ex ea cuia ratione, quia propter magnam illam conjunctionem viderentur denunciare leipso, tradit Lug. cu. n. 33. Excepta tamen hæresi (quod intelligendum de locis, ubi hæretici non tolerantur) propter maximum documentum publicum, quod ea affect. Unde & teneri patrem ad denunciandum filium hæreticum, ex communi tenet Sanchez. l.c. confil. c. 2. du. 19. n. 3. apud de Lug. consentientem, quin & filium teneri denunciare patrem, affirmant Suar. de fide d. 20. f. 4. n. 21. Dian. tr. de denunciatione resol. 4. Azor, Comisfol, Sanctarel, Bonacini, & alii apud de Lugo, alii ab eodem citatis id negantibus, Sanch. n. 6. id distinguente, nimis filium teneri ad hoc, quando non est probabile alias denunciatores patrem, & quando hæresis est specialiter perniciosa reip. quia pater plures pervertit. Extenditur quoque hoc ipsum ab Avila apud de Lugo, ad delicta alia, quando hæc vergunt in magnum reip. detrimentum.

10. Septimò. In casu quo denunciator ex denunciatione timet sibi grave malum in vita, honore, pecunia, quod quo gravius, majorisque momenti contra bonum publicum, ut obligetur denunciare & subire damnum illud proprium. Sanch. l.c. c. 2. du. 12. varia adducunt illius damni exempla. Dian. tom. 1. tr. de denunc. resol. 7. de Lugo n. 36. cu. quam pluribus.

11. Octavò. Dum editio jubentur denunciare, qui sciunt vel audierunt, non tenentur denunciare qui audierunt à levibus personis vel ignotis, quas non possunt declarare, Sanch. l.c. du. 16. de Lug. n. 38. Quamvis, ut idem, tantum posset esse periculum ex omissione denunciationis imminens, ut quæcumque notitia, à quocumque hausta esset, utilis ad cautelam & malum avertendum, in quo causa judicat esse obligationem communicandi illam qualcumque notitiam.

12. Nonò. Editio fundata in præsumptione non obligare ad denunciationem illos, qui sciunt præsumptionem esse falsam, tenent Riccius & Valero apud Dian. l.c. resol. 10. docentem contrarium, cù quod judicium circa suspicionem non pertinet ad denunciante, sed ad judicium Ecclesiasticum. Lug. l.c. n. 42. distinguit; ita, ut non sit obligatio, quando non tantum præsumptio est falsa, sed neque quod præsumitur, est peccatum. Secus vero quando, quod falsò præsumitur, est peccatum; sic denunciandus adhuc confessarius sollicitans ad turpia, quia præsumitur suspectus in fide, et si constet non esse in fide suspeclum; delictum enim sollicitationis de se movet ad illam suspicionem conciperdam.

Ques. 33. Quam diu durent hæc edicta, coramque obligatio post eorundem promulgationem.

1. Resp. primò. Dum promulgata tempore visitationis alicujus ordinariae, obligant proto solū tempore, quod moraliter sufficit ad talem visitationem, ad eoque qui ante hoc tempus vel intra illud novit delictum, denunciare tenetur; fucus si eo tempore transfacto novit illud, de Lug. l.c. n. 39. cum vero, qui intra illud tempus sciens delictum, culpabiliter omisit, teneri adhuc illud denunciare dicto tempore elapsō, docet Sanch. c. 2. du. 25. n. 8. cum Nav. & alii, cuius contrarium tenet Fagund. in decal. præcep. 8. c. 2. cum Sayr, quibus consentire videtur de Lug. cù quod præceptum illud

illud videatur alligatum ad tempus visitationis. Licit culpabiliter omittens intra illud denunciationem, jam inciderit in excommunicationem, dum sub ea praeceptum latum est.

2. Resp. Secundò: Edicta vero istiusmodi lata ab Inquisitionibus durant per totum annum, donec alii promulgentur, Lug. l.c. ut cum Sanchez & Avila.

3. Resp. Tertiò: Dum alias istiusmodi edicta ab aliis Prælatis, independenter etiam à visitatione, promulgari quandoque solent, assignatis tribus vel sex diebus pro termino, intra quem facienda est denunciation; dies hi numerandi sunt, non à die promulgationis, sed notitia ejusdem; cùm dentur hi dies, ut si, quibus præceptum denunciare, consilere & considerare possint de rebus denunciandis, Sanchez. l.c. num. 6. de Lugo n. 40. Unde etiam notat Sanchez. L. 6. conf. c. 2. du. 25. n. 6. apud de Lugo. num. 41. quod si quis ultimo die termini præfixi accepit notitiam edicti, incipiant ei currere totidem dies, quot præfixi fuerunt denunciationi facienda.

4. Resp. Quartò: Edicta, quibus excommunicantur damnificatores, si non restituant, & scientes, si non revelent illos, semper obligant, donec damnificator restituat, nisi author edicti fuerit mortuus, vel officio motus; cùm tunc expiret obligatio, Nav. in man. c. 27. n. 2. Sanch. l.c. n. 8. Lug. l.e.

Quæst. 34. An denunciationi judiciali præmittenda sit bina monitio charitativa?

R Esp. negativè cum Layman. L. 3. t. 3. p. 2. c. 4. n. 13. Lessl. de ius. L. 2. c. 3. du. 3. Castrop. de charit. tr. 3. d. 3. p. 16. n. 3. Molin. de ius. tr. 4. d. 132. n. 6. Palud. Soto apud Reiffenst. contra Azor. p. 3. L. 13. c. 25. du. 5. Pith. h. t. num. 91. quatenus docent binam monitionem requiri ad denunciationem, quæ fit in foro Ecclesiastico, non tamen ad faciendam in foro civili; pro ratione responsio est consuetudo, usus & praxis omnium tribunalium, quâ nullus Judex de correctione illa charitatibꝫ facta interrogat, aut de ea facienda monet vel mandat; quod tamen facere deberet, si prævia, secreta, fraterna correctio ad valorem & substantiam judicialis denunciationis requereretur. Alia ratio desumitur ex fine hujus denunciationis principalis, qui non est emendatio, vel bonum privatum delinquentis, sed vindicta publica ad bonum publicum, ut nimis alii illâ trecentur, & a similibus committendis retrahantur. Unde talis denunciatione potius actum justitiae, quam charitatis contineat, Reiff. h. t. n. 99. His non obstantibus iuribus, quæ in contrarium adserunt adversarii: quia loquuntur, non de denunciatione judiciali propriè tali, seu criminali ad vindictam publicam, sed de denunciatione evangelica, vel de canonica, quatenus hæc ad illam reducitur, vel intelligendi sunt in ordine ad poenam, quæ de speciali jure, vel saltem de consilio requiritur. Et ideo non loquuntur specialiter de denunciatione judiciali, quia eo tempore ea non fuit in usu, sed duo tantum modi judicialiter procedendi per viam nempe accusationis & inquisitionis, quibus jure novo & consuetudine accessit modus tertius, nempe per viam denunciationis propriè talis, quæ hodie frequenter loco accusationis adhibetur, & eosdem ferè cum hac effetus habet; ita Reiff. num. 101. Sed neque hæc posteriora eliduntur dicendo jus canonicum in genere requirens monitionem præviam fundari in ju-

re divino evangelico, contra quod nulla dari potest consuetudo. Nam ex eo gratis dato plus non se queretur, quod ad licitè denunciandum judicialiter, (quod præcipù intendit Evangelium) requiratur monitio prævia, non verò, quod etiam requiratur ad judicialiter denunciandum validè, de quo loquuntur Canonista: & præcipue procedit responsio nostra, altera quæstione, num requiratur prævia monitio ad denunciandum judicialiter licitè, seu sine peccato relicta Theologis discutienda. Ad quam, si respondeatur affirmativè, jam etiam necesse est dicere, requiri quoque dictam monitionem quoad forum civile, utpote in quo jus divinum non minùs, quam in foro ecclesiastico obligat. De cætero certum apud omnes, quod in casibus & circumstantiis omnibus, in quibus denunciatione evangelica fieri potest licitè sine prævia monitione, à fortiore quoque sine illa fieri licitè possit denunciatione judicialis: atque ita delictorum adhuc occultorum, quin & emendatorum, & eorum, quæ non nisi delinquenti nociva, & sic cujuscumque delicti denunciationem licitè fieri posse, modo probari possit, tradit Laym. L. 3. tr. 3. p. 2. c. 4. n. 13. citatique ab eo Pet. Nav. L. 2. c. 3. n. 254. Lessl. L. 2. c. 30. du. 3.

Quæst. 35. Quænam requirantur ad legitime procedendum in denunciatione judiciali?

R Esp. Requiruntur ferè eadem, quæ in accusazione, excepta inscriptione, quæ tamen & ipsa hodie vix est in usu, ut Lessl. de just. tr. 6. c. 3. n. 4. & juxta à nobis dicta supra: quia vices accusacionis subit, ut Clar. cum communī. Proinde requiritur primo: ut in scriptis fiat, vel oretenus à denunciatore, prolata exceptaque per Actuarium, seu Notarium publicum, referatur in acta. Secundo, ut exprimatur nomen Judicis, denunciatoris & denunciati. Tertiò, qualitas seu species delicti, ejusdemque commissi locus & tempus, nimis annus, mensis, & probabiliter etiam dies. Suntque hæc omnia de forma denunciationis hujus substantiali, & ita necessaria, ut si unum ex illis omittereatur, processus sit nullus, & denunciatus absolvendus; ut Ludov. de Ameno tit. 9. v. denunciatione, §. 4. q. 4. n. 36. Reiffenst. h. t. n. 94. cum Clar. aliisque communiter. Quartò requiritur, ut denunciator, licet ipse per se delictum probare non teneatur, (in quo differt ab accusatore) tenet testes denominare, instrumenta, probationes, aliaque media, quæ scit vel habet, judici suggerere, Arg. L. 6. §. 3 ff. de Senat. Consult. Turpili. ut ex tali inscriptione Judex cognoscere queat, an delictum sufficienter probari, & consequenter denunciationem recipere, inquirere, processum instituere, an verò eam rejicare possit vel debeat. Unde statim ab initio ad id tenetur denunciator; in quo iterum differt ab accusatore, qui eti & ipse testes, aliasque probationes una cum libello producere possit, sufficit tamen, eum illos producere tempore, quo ad probandum erunt necessarii.

Quæst. 36. Quænam delicta judicialiter denunciari possint, vel non possint?

1. R Esp. Omnia crimina, tam privata, quam publica, tam aperta, quam occulta, de quibus nulla adhuc infamia delinquentis, judicialiter denunciari possunt, modo probari valeant, Fagn. in c. 24. h. t. n. 72. Passerlin. in tribun. regular. q. 7. a. 3. n. 15. Laym. L. 3. tr. 3. p. 2. c. 4. n. 13. citans Pet. Navar. L. 1. c. 3. n. 254. Reiff. h. t. num. 88.